

SPOLNE ANOMALIJE

Neka je hvala Allahu, dž.š., Gospodaru svih svjetova! Neka su salavat i selam na Poslanika Muhammeda, s.a.v.s., njegovu časnu porodicu, ashabe i sve sljedbenike.

Braćo moja u Dini Islamu! Mnoštvo Allahovih blagodati koje su date ljudima, kao i ljudska nezasićenost i nezahvalnost na njima, te udaljenost od Boga i (kao rezultat toga) moralna izopačenost društva doveli su do brojnih anomalija u svijetu, među kojima su i spolne. Zbog toga veliki broj ljudi danas nenormalne stvari smatra normalnim pa čak i poželjnim, dok vrijednosti koje je Dragi Allah odredio smatraju zastarjelim a ljude, koji te vrijednosti baštine, zaostalom.

Takva je stvar i sa brakom, koji se definiše kao: "Ugovor o zajedničkom životu dvije punoljetne osobe suprotnog spola, s ciljem rađanja djece i moralnog usavršavanja." Bilo koja od komponenti ove definicije ako ne bude ispunjena srušit će brak, a time i porodicu, odnosno, čitavo društvo jer je porodica osnovna ćelija društva.

Nažalost, mnoge bračne parove njihov brak nije udaljio od bluda, mnogi bračni parovi ne žele djecu ili odlažu njihovo rađanje (što se kasnije odražava na njihovo psiho-fizičko zdravlje, a često dovodi i do razvoda braka), dok mnoge osobe ne žele prirodne već izmišljene brakove.

Jedna od takvih veza, koju u društvu nazivaju "brakom", jeste veza istospolnih osoba – jedna od najgnusnijih veza, koja je u društvu vremenom postala "normalna". Ljudska "pamet" je došla do te granice da su i neke vjerske zajednice počele da ih podržavaju i da im dozvoljavaju sklapanje braka, jerbo to je "ljubav", a za ljubav pravila nema.

Njihov znak su dugine boje. Kao oni su šareni, malo drugačiji od ostalih, ali su "normalni" i hoće svoje prava. Zbog toga u mnogim gradovima organizuju tzv. parade ponosa, koje normalni ljudi nazivaju "paradom srama", jer je u narodu rečeno: "Čega se pametan stidi, time se budala ponosi." Šta onda reći za vjerske i mjesne zajednice koje dopuštaju takve "brakove"? Šta reći za vjerske zajednice koje se kite duginim bojama i za društvo koje zebre na pješačkim prijelazima i klupe po parkovima boje duginim bojama? Još im dozvoljavaju da usvajaju tuđu djecu? Zašto? Zato što ne mogu da imaju svoju. Dakle, nije prirodno. A što nije prirodno, nije ni normalno. Dobro je jedan napisao: "Neka oni usvajaju djecu iz istospolnih brakova."

Kakav primjer oni daju društvu? I kakav primjer daju "svojoj" usvojenoj djeci?

Tu se ne radi o bolesti. To je nauka i dokazala. A to je dokazao i Dragi Allah u primjeru prvog naroda koji se odao ovome grijehu. Radi se o narodu Sadume i Gamure (Sodome i Gomore), kojem je Dragi Allah poslao poslanika Luta, a.s., da ih upozori na taj grijeh i da ih pozove na Pravi put. Pa kada su se oglušili, Allah ih je sve uništio. I ne samo uništio, već razvalio. Prvo ih je usmratio strašnim krikom, zatim ih je Džibril krilom podigao do neba, te ih okrenuo i lupio od zemlju, da bi ih potom sasula kiša meteorita. Strašno! I gdje su oni danas? Prekrivaju ih talasi Mrtvog mora.

Lutov narod je kažnjen sa tri strašne kazne, a Allah Dragi nikad ne kažnjava bolesne ljude. Dakle, oni nisu bolesni već imaju slobodu izbora, a time i odgovornost i pred Bogom i pred ljudima. Vjerovatno su u djetinjstvu doživjeli traume zbog razvoda njihovih roditelja, te nedostatka veze roditelj-dijete, jer su djetetu, i kao podrška i kao uzor u životu, potrebna oba roditelja.

Ono što nas mora zaplašiti jeste činjenica da ova anomalija sve više uzima maha u našem društvu, zbog čega sa svojom djecom moramo puno pričati i dobro voditi računa s kime se druže. Tim prije što ih društvo zdušno podržava, što je istovremeno i znak njihovog pakta sa prokletim šejtanom, jer šejtan ne želi normalne i pobožne ljude, već nakaradno društvo i na Dunjaluku i u Džehennemu.

S tim u vezi želim da vas upozorim na narodni izraz "levat", kojim se označava osoba koja je smotana, nesposobna, nakaradna. To je riječ iz arapskog jezika, a u prijevodu levvat znači "homoseksualac". Zato vas pozivam da pazite koga nazivate levatom.

Također vas pozivam da što više izgovaramo riječ "estagfirullah" (tražim oprost od Allaha), kako bismo, kao društvo u cjelini, izbjegli Allahovu kaznu zbog levata koji žive među nama. Dragi Allah je rekao: **"Allah ih neće kazniti dok si ti (Muhammede) među njima. I Allah ih neće kazniti dokle god budu oprost tražili."** (El-Enfal, 33.)

Molim Dragog Allaha da nas i naše najmilije sačuva od spolnih anomalija i njihovih štetnih posljedica. Amin.